

为徐敬业讨武曌檄

曌音照

骆宾王

伪临朝武氏者、

武则天、名曌。太宗时、召入宫为才人。高宗为太子、入侍、悦之。太宗崩、高宗即位。武氏为尼、引纳后宫、拜为昭仪。寻废王皇后、立武氏为皇后。政事皆决焉。高宗崩、中宗即位。武氏临朝、废中宗

为庐陵王。

性非和顺、

本性不良。

地实寒微。

出身微贱。

昔充太宗下陈、

下陈、下列也。谓为才人。

曾以更耕、衣

入侍。

尝以更衣之便得幸。

洎、乎晚节、秽乱春宫。

洎、及也。晚节、晚年也。秽乱、言其淫也。

潜隐先帝之私、阴谋

后房之嬖。

削发为尼、掩其为太宗才人之迹、以图高宗后宫之嬖幸。

入门见嫉、蛾眉不肯让人。掩袖工谗、狐媚

偏能惑主。

入宫便怀嫉妒、而舒展蛾眉、不肯让人。巧于用谗、王皇后为其所害。是其狐媚之才、偏能惑高宗之听。

践元后于鞶、翟、

鞶翟、雉羽也。雉之交有时、守死而不犯分、妇德所宜。故

后之车服、皆画鞶翟之形。王皇后废、武氏践元后之位。

陷吾君于聚麀。

攸、○吾君、谓高宗也。聚、犹共也。兽之牝者曰麀。曲礼、夫惟禽兽无礼、故父子聚麀。

加以虺、蜴、为

心、豺狼成性。

虺蜴、毒蛇也。

近狎邪僻、残害忠良。

邪僻、指李义府、许敬宗等。良、指褚遂良、长孙无忌等。

杀姊屠兄、

弑君鸩母。

鸩、去声。

姊、韩国夫人。兄、惟良。君母未闻。鸩、毒鸟、以其毛沥酒、饮之则杀人。

人神之所同嫉、天地之所不容。犹复

包藏祸心、窥窃神器。

神器、帝位也。

君之爱子、幽之于别宫。贼之宗盟、委之

以重任。

中宗、君之爱子、废为庐陵王、而幽之于别所。诸武用事、悉委之以重任。○以上数武氏之罪。

呜呼、霍子孟之不作、朱虚侯之已亡。

霍子孟、霍光也、辅幼主以存汉。朱虚侯、刘章也、诛诸吕以安刘。○二句隐然讥责朝臣。

鸞同燕、

啄皇孙、知汉祚之将尽。

汉成帝后赵飞燕、于后宫有子者皆杀之。故有鸞啄皇孙之谣。

龙

漦时、帝后、识夏庭之遽衰。

漦、龙所吐涎沫、龙之精气也。夏后藏龙漦于庭、传及殷周、莫之发。厉王之末、发而观之。漦流于庭、入于王府。府之童女遭之、而生女、怪弃于市、因入于褒。周幽王伐

褒、褒人献之、即褒姒也。幽王嬖之、遂至亡国。是周之衰乱、于夏庭而已伏之矣。○四句言唐不久将灭。

敬业皇唐旧臣、公侯冢子。

敬业、唐大臣徐世勣之孙也。勣、赐姓李。

奉

先君之成业、荷本朝之厚恩。宋微子之兴悲、良有以也。

微子过殷故墟、悲之、作麦秀之歌。一云箕子所作。

袁

君山之流涕、岂徒然哉。

汉袁安、以外戚专权、言及国事、每暗鸣流涕。

是用气愤风云、志安社稷。因天

下之失望、顺宇内之推心。爰举义旗、以清妖孽。

以上述兴师之故。

南连百越、北

尽山河。铁骑成群、玉轴相接。

以言乎马、则铁骑万千以成群。以言乎车、则玉轴远近以相接。

海陵红粟、仓储之积

靡穷。

粟多。

江浦黄旗、匡复之功何远。

兵众。

班声动而北风起、剑气冲而南

斗平。

班马之声动、而凛然若北风起。悬剑之气冲、而焕然若南斗平。

暗荫、鸣

去声、

则山岳崩颓、叱咤

去声、

则风云变色。

暗鸣、怀怒气。叱

咤、发怒声。以此制敌、何敌不摧。以此图功、何功不克。以上写兵威之盛。公等或居汉地、

异姓。或叶同协、周亲。同姓。或膺重寄于话言、分封于外。或受顾命于宣室。受托于朝。○二句合同异姓。言

犹在耳、忠岂忘心。一抔衰之土未干、干、六尺之孤何托。一掬曰抔。土、指坟墓也。土未干、谓高宗葬未久也。六尺孤、

指中宗言。倘能转祸为福、转武氏之祸而为福。送往事居。往、谓高宗。居、谓中宗。共立勤王之勋、事居。无废大

君之命。送往。凡诸爵赏、同指山河。爵赏有功、共指山河以为信。若其眷恋穷城、徘徊歧路。

谓进退不果、徘徊于两途之间。坐昧先机之兆、必贻后至之诛。禹致群臣于会稽、防风氏后至、禹戮之。○以上励共事之人。请看今日之域

中、竟是谁家之天下。试观今日之域中、毕竟是谁家之天下、言将来必归唐也。○结语峭劲。

起写武氏之罪不容诛、次写起兵之事不可缓、末则示之以大义、动之以刑赏。雄文劲采、足以壮军声、而作义勇、宜则天见檄而叹其才也。